



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XIII. Qualiter privatis diebus Matutini agantur. Matutina Dei privatæ cuîque diei. Hîc assignatur laus, monitúmque datur.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

15. FEBR. 16. JUN. 16. OCTOBR.

CAPUT XIII.

*Qualiter privatis diebus Matutini
agantur.*

Diebus autem privatis *a* Matutino-
rum solemnitas *b* ita agatur, *c*
est *c*, ut sexagesimus sextus Psalmus di-
catur sine Antiphona, subtrahendo mo-
dicè *d*, sicut Dominica *e*, ut omnes oc-
currant ad quinquagesimum, qui cum
Antiphona dicatur. Post quem alii duo
Psalmi dicantur secundum consuetudi-
nem, id est, secundam feriã *f* quintus &
trigesimus quintus, tertiã feriã quadra-
gesimus secundus & quinquagesimus
sextus, quartã feriã sexagesimus tertius
& sexagesimus quartus, quintã feriã oc-
togesimus septimus & octogesimus non-
nus, sextã feriã septuagesimus quintus
& nonagesimus primus, Sabbatho au-
tem centesimus quadragessimus secun-
dus & Canticum Deuteronomii, quod
dividatur in duas Glorias *g*. Nam ca-
teris diebus Canticum unumquodque
die suo ex Prophetis, sicut psallit Eccle-
sia

fia Romana, dicatur. Post hæc sequan-
tur Laudes *h*, deinde Lectio una Apo-
stoli *i* memoriter recitanda, Responso-
rium, Ambrosianum, Versus, Canticum
de Evangelio, Litanía; & completum est.

a) *Seu ferialibus.*

b) *Id est, ritus Laudum juxta notata cap.
præced.*

c) *Pro videlicet; nisi malis cum aliis omit-
tere.*

d) *Id est, paululum protrahendo, sive paulò
tardius. Vide cap. 43.*

e) *Subintellige, in.*

f) *Ideo secunda, quia ipsa Dominica est fe-
ria prima, quanquam hoc nomine vix ap-
pelletur. Cæterum feria dicitur tempus,
quo vacamus ab operando; eoque nomine
Silvester Papa reliquos dies præter Domi-
nicam & Sabbathum appellari voluit, ut
significaretur, Clericos, abjectâ cæterorum
curâ, uni Deo vacare quotidie debere.
Vid. Breviar. 31. Decembr.*

g) *Sive in duò Gloria. Vid. not. c. 9. ad lit. r.*

h) *Id est, Psalmus Laudate cum duobus seq.*

i) *Id est, Capitulum: Nox præcessit. Cætera
patent ex dictis cap. præced. & Breviario.*

16. FEBR. 17. JUN. 17. OCTOBR.

Planè agenda *a* Matutina vel Vesper-
tina non transeat aliquando, nisi in
ultimo ordine *b* Oratio Dominica omni-
bus audientibus dicatur à Priore *c*, pro-
pter scandalorum *d* spinas *e*, quæ oriri
solent, ut conventi *f* per ipsius Oratio-
nis sponfionem *g*, quâ dicunt: Dimit-
te nobis debita nostra *h*, sicut & nos di-
mittimus debitoribus nostris, purgent
se ab hujusmodi vitio. Cæteris verò
agendis *i*, ultima pars *l* ejus Orationis
dicatur, ut ab omnibus respondeatur:
Sed libera nos à malo *m*.

a) *Substantivè, pro Horâ Canonicâ, Laudum, ut sequitur, ac Vesperarum. Ex Boërio Sc.*

b) *Id est, inter ultima; nisi dicere malis Col- lectas eo tempore nondum fuisse in usu: de quo plura c. 17.*

c) *Hoc est, primo in Choro, seu Chori Pra- fide; nam quem modò Priorem dicimus, S. P. vocat Præpositum.*

d) *Item hîc, quod rixarum vel dissensionum: quo sensu etiam hoc verbo utuntur Greg. Turon. Ferreolus Sc.*

e) *Ad*

- e) Ad illarum enim similitudinem pungunt
& sauciant animam.
- f) Sive in jus vocati, ut convincantur. Un-
de Bern. Cassinensis legit convicti, alii
conversi.
- g) Hæc plus aliquid sonat, quàm promissio,
& certius implenda est.
- h) Id est, peccata sive mortalia, sive venia-
lia; utraque enim inducunt debitum cul-
pæ ac pœnæ. Et Cassianus quidem Coll. 9.
censuit, hoc orantes, nec tamen hostibus
suis remittentes, peccare graviter, eò quòd
mentiantur Deo; Sed verius est oppositum.
1. quia verba illa recitant in persona Ec-
clesiæ, & materialiter tanquam formant
à Christo præscriptam. 2. Quia hæc oran-
do tacitè petunt gratiam ignoscendi. 3.
Quia tò dimittimus idem est, quod di-
mittere debemus. Caterùm amor obti-
nendi à Deo veniam peccatorum longè gra-
viorum allicere nos debet ad offensas levio-
res proximis nostris libenter remittendas.
- i) Id est, Horis Officii Divini.
- l) Quæ est, Et ne nos inducas, hoc est, indu-
ci per consensum sinas.
- m) Puta, à diabolo, à pœnis gehennæ & ignis

purgantis, à malis itè m hominibus aliisque
miseriis hujus vitæ, in quantum expedit
saluti anima.

17. FEBR. 18. JUN. 18. OCTOB.

CAPUT XIV.

*Qualiter in natalitiis a Sanctorum
agantur Vigiliæ b.*

In Sanctorum verò festivitibus vel
omnibus solemnitibus, sicut diximus
Dominico die agendum, ita agatur; ex-
cepto, quod Psalmi aut Antiphonæ vel
Lectiones ad ipsum diem d pertinentes
dicantur. Modus autem superscriptus
teneatur.

a) Non quibus nati sunt in hoc mundo; sed
quibus hinc migrantes, nati sunt cælo. Ex
Chrysol. &c.

b) Sive Matutinum, ut sæpius dictum.

c) Iterum copulativè pro &c.

d) Intellige, festum, non autem feriam oc-
currentem.

18. FEB.